

*Galateoju-
dicia,*

*Quisquis es, exiguum quamvis, ne sperne libellum.
Tu quoque quod fugias, quodque sequaris, babes.*
„ Et in proëmio juventutem sic alloquitur: Vos
„ adolescentes nobiles & ingenui, quoniam vivere
„ inter homines constituistis, hæc minuta, quæso, ne
„ negligite: hunc librum, me auctore, perlegite: af-
„ firmo vobis, neminem omnium, qui consilio hoc
„ meo utentur, futurum, quin proficiat in moribus
„ plurimum, mihi que agat gratias singulares & ipsi
„ scriptori, & interpreti. In alioque proëmio *Notis*
„ præposito, idem Chytræus ita judicat: Hunc
„ ipsum quidem scriptorem inter omnes, qui in hoc
„ genere argumenti cum laude aliqua versati sunt,
„ perfectissimum esse fatentur omnes, qui eum le-
„ gerunt, & recte intelligunt; sed tamen multo etiam
„ plura de eo ipso argumento scribi potuisse, res
„ ipsa loquitur. In talibus enim non omnia char-
„ tis tradi posse, sed multa eorum sapientum mo-
„ nitu, suasu & exemplo, nec non tempore, usu
„ & experientia discenda esse, sciendum est. Quæ
judicia cum a vero haud abhorreant, utilissimisque
laboribus hoc scriptum paræneticum, cui *Galateo*
nomen, annumerari queat, eluit eo ipso Beneven-
tanus Archiepiscopus de Casa pristinae famæ, ex
attributis *sodomiae* laudibus adsperfas sordes. Quan-
quam negari non possit, esse eum aliquando nimis
rigidum morum censorem, imitatuque difficillima
hæc ejus decori tenacissima præcepta, cum vix re-
perias hominem, licet studiosissimum decori, quin
aliqua ex parte τὸ πρέπον negligat. Hinc (quemad-
modum

*Casa in Ga-
lateo ali-
quando ni-
mis rigidus
est morum
censor.*